

## REGLUGERÐ

### um skýrslugerð vegna smitsjúkdóma.

#### Um skráningarskyldu.

##### 1. gr.

Sóttvarnalæknir er ábyrgur fyrir því að haldin sé sjúkdómaskrá sem tekur til smit-sjúkdóma, sjúkdómsvalda þeirra, sjúkdóma af völdum eitrefna og geislavirkra efna, óvenju-legra og óvæntra atburða sem geta haft alvarlegar heilsufarslegar afleiðingar meðal þjóða heims, sýklalyfjanotkunar og bólusetninga (ónæmisaðgerða) sbr. reglugerð um bólusetningar nr. 221/2001. Sóttvarnalæknir skal fá afhentar upplýsingar úr lyfjagagnagrunni landlæknis skv. 27. gr. lyfjalaga og frá heilbrigðisstofnunum til að halda skrá um sýklalyfjanotkun. Upplýsingarnar skulu vera ópersónugreinanlegar.

Til að halda skrá um sýklalyfjanotkun kallar sóttvarnalæknir eftir upplýsingum úr lyfjagagnagrunni landlæknis og frá sjúkrastofnunum. Þær upplýsingar mega ekki bera með sér önnur persónuauðkenni en aldur, kyn og búsetu samkvæmt póstnúmeri þeirra sem lyfjunum hefur verið ávísað á, sérgrein læknis, sjúkrastofnun og deild þar sem sjúkrastofnun er deilda-skipt. Upplýsingar um sýklalyfjanotkun skulu vera ópersónugreinanlegar. Forstöðumönnum heilbrigðisstofnana er skylt að senda sóttvarnalækni upplýsingar um magn sýklalyfja sem notað er á viðkomandi stofnun, skipt eftir deildum þar sem það á við. Gæta skal fyllsta trúnaðar um allar einkalífsupplýsingar sem fram koma í smitsjúkdómaskrá og gilda um skrána sömu reglur og aðrar sjúkraskrár. Ítrustu varúðar skal gætt við meðferð, vörslu og sendingu upplýsinga um tilkynningaskylda sjúkdóma.

Sóttvarnalæknir gefur nánari fyrirmæli um tilhögun skráningar og tilkynninga í smit-sjúkdómaskrá og skrá um sýklalyfjanotkun, m.a. um hvaða ráðstafanir skuli viðhafðar til að tryggja öryggi persónuupplýsinga varðandi tilkynningaskylda sjúkdóma.

##### 2. gr.

Þeir sjúkdómar, sjúkdómsvaldar og atburðir sem sóttvarnalög fjalla um eru skráningar-skyldir og geti þeir ógnað almannaheill eru þeir jafnframt tilkynningaskyldir.

Með skráningarskyldu er átt við skyldu til að senda sóttvarnalækni ópersónugreindar upplýsingar en með tilkynningaskyldu er átt við skyldu til að senda persónugreindar upp-lýsingar um sjúkdómstilvik.

##### 3. gr.

Læknum er skylt að skrá upplýsingar um skráningar- og tilkynningarskylda sjúkdóma á þar til gerð eyðublöð eða með rafrænum hætti samkvæmt nánari fyrirmælum sóttvarnalæknis sbr. 1. gr. Sama gildir um forstöðumenn rannsóknastofa, sjúkradeilda og annarra heilbrigðis-stofnana. Skrá um smitsjúkdóma skal senda sóttvarnalækni mánaðarlega eða oftár ef hann telur þörf á því.

Læknum og hjúkrunarfræðingum er skylt að skrá í sjúkraskrá, samkvæmt nánari fyrir-mælum sóttvarnalæknis sbr. 1. gr., allar bólusetningar sem þeir framkvæma. Læknar tilkynna sóttvarnalækni um bólusetningar sem gerðar hafa verið.

##### 4. gr.

*Skráningarskyldir sjúkdómar.*

Skráningarskyldir sjúkdómar eru:

afbrigðilegar berklasýkingar	lungnabólga
bráður niðurgangur	Lyme sjúkdómur (borreliosis)
eyrnabólga	malaría
flatlús	matareitrun af völdum sýkla eða
hálsbólga	eiturefna þeirra
heilabólga	njálgur
(encephalitis/meningoencephalitis)	psittacosis
heilahimnubólga af völdum sýkla	ristill (herpes zoster)
heilahimnubólga af óþekktum toga	skarlatssótt
hlaupabóla	sýkingar af völdum fjölonæmra sýkla
höfuðlús	aðgerðatengdar sýkingar í
inflúensa	heilbrigðisþjónustunni
kláðamaur	toxóplasma-sýking
kynfæravörtur (condyloma genitalis)	þvagrásarbólga af óþektri orsök.

## 5. gr.

*Tilkynningaskyldir sjúkdómar, sjúkdómsvaldar þeirra og atburðir sem ógna heilsu manna.*

Tilkynningaskyldir sjúkdómar eru:

barnaveiki	legiónellusýking
berklar	lekandi
bólusótt	lifrabólga A
bótúlismi	lifrabólga B
bráð sjúkdómseinkenni af völdum	lifrabólga C
eiturefna og geislavirkra efna	lifrabólga E
Córónaveirulungnabólga	lifrabólga vegna annarra veira
(SARS/heilkenni alvarlegrar bráðrar	linsæri
lungnabólgu - HABL)	listeríusýking
Creutzfeldt Jacob veiki og afbrigði	lömunarveiki
hennar	meningókokkasjúkdómur
enteróhemórrhagísk E. coli sýking	meticillín ónæmur staphylokoccus
giardiasis	aureus (MÓSA)
gulusótt og aðrar blæðandi	miltisbrandur
veiruhitasóttir	mislingar
hemophilus influenzae, sjúkdómur	óvæntir atburðir sem ógnað geta
gerð b	heilsu manna (óvænt aukning
hettusótt	sjúkdómstilvika eða dauðsfalla)
hérasótt (tularemia)	pneumókokkasýkingar í blóði, lið,
HIV-sýking	beini og heilahimnu
holdsveiki	rauðir hundar
hundaæði	salmonellusýking
huldusótt (Q-fever)	sárasótt
inflúensa A sem valdið getur	shígellusýking
heimsfaraldri	stífkrampi
kampýlóbactersýking	svarti dauði
kikhósti	vanómýcín ónæmir enterókokkar
klamýdíusýking	öldusótt (brucellosis).
kóléra	

## 6. gr.

Tilkynningu um tilkynningaskyldan sjúkdóm, sjúkdómsvald eða óvænta atburði sem ógnað geta heilsu manna skal senda sóttvarnalækni án tafar eða samkvæmt nánari fyrirmælum hans. Sóttvarnalækni er heimilt að fela göngudeildum smitsjúkdóma og rannsóknarstofum, sbr. 1.-4. gr. reglugerðar nr. 414/2007 um að halda skrá yfir tilkynningaskyld sjúkdómstilfelli og sjúkdómsvalda.

Á eyðublaði skal m.a. koma fram:

1. Heiti sjúkdóms eða sjúkdómsvalds og greiningarnúmer samkvæmt alþjóðlegu sjúkdóma- og dánarmeinaskránni sem er gildandi.
2. Hvenær, hvernig og hvaða sjúkdómsgreining eða greining sjúkdómsvalds var staðfest.
3. Persónuauðkenni og kyn hins sýkta.
4. Í hvaða sóttvarnaumdæmi hinn sýkti býr, dvalarstaður.
5. Nafn tilkynnanda, læknisnúmer, vinnustaður, undirskrift og dagsetning tilkynningar.

## 7. gr.

Bólusetningar eru tilkynningaskyldar, skv. reglugerð nr. 221/2001.

**Gildistaka.**

## 8. gr.

Reglugerð þessi, sem sett er með stöð í 18. gr., sbr. 3. gr., sóttvarnalaga nr. 19/1997, öðlast þegar gildi. Jafnframt fellur úr gildi reglugerð nr. 129/1999 með síðari breytingum.

*Heilbrigðisráðuneytinu, 18. apríl 2008.*

**Guðlaugur Þór Þórðarson.**

*Berglind Ásgeirsdóttir.*